



Vuojadahállas

Randi, Ronny, Eskil, Aron, Kaisa ja Vilde leat otne Reidun ja Ásslaga mielde vuojadahállas. Ásllat galgá čuožžut ravddas. Son lea kurssas oahppan mo galgá gádjut olbmuid jos geavvá lihkohisvuohta vuojadahállas. Son oaidná maid buohkaid ollu buoret go čuožžu ravddas.

Vuojadahállas lea liegga čáhci masa lea biddjon klora. Klora lea muhtin ávnnas mii bisuha čázi buhtisin jos vel leat ge ollu olbmot seammá čázis vuojadeamen.

Eskil gal máhtta jo vuodjat. Son lea dávjá vuojadahállas, na measta guktii vahkus. Son ii dárbaš govddohagaid. Vilde lea unnimus son lea easkka hárrjaneamen čáhcai. Randi veahkeha, doallá ja oahpaha su. Vilde ii liiko go čalmmiide bohtá čáhci, muhto son fargga hárrjana dasa. Man somá leat ovtta skihpáriiguin vuojadit.

Ovdal go njuike čáhcai ferte riššut ja basadit bures. Dasto ferte muitit coggat vuojadangahpira. Dat gokčá vuovttaid vai dat eai gahča čáhcai. Vuojadahállas sáhtta hárrjehallat vuojadit, njuiket ja buokčaladdat. Stoahkama bokte oahppá ollu. Visot dáid lea dehálaš oahppat. Muhtimin soaitá dárbašit dan máhtu. Lea go din báikkis vuojadahállas? Mannet vuojadahállis!

